

ԻՐՆ ԿՈՒՏԱՑՐԱ

ԳԻՐՔ ԻՄԱՑՈՒԹՅԱՆ (ՔԻՏԱՐ ԱԼ-ՄԱԱՐԻՖ)

ԼՂ 12

Նոյն այդ բանը կատարեց (կառուցեց տապանը) և Ալլահն ուղարկեց ջրհեղեղը երկրի վրա:

[Տապանը] մնաց ջրերի վրա հարյուր հիսուն օր:

Վեցերորդ ամսում կանգնեց Կարդա¹ լեռան վրա, իսկ տասներորդ ամսում երևացին լեռների գագաթները:

Իսկ Վահբն ասել է, թե մեզ պատմել են, որ տապանը (նավը) ճանապարհ ընկավ Ռաջաբ ամսի վերջից տասն օր մնացած (Ռաջաբի 20) և մնաց տապանի վրա հարյուր հիսուն օր, ապա մեկ ամիս կանգնեց Արաբադ (Ջուդի)² լեռան վրա, որը լեռ է Ջադիրա երկրում և (մարդիկ) դուրս եկան Մուհառամ ամսի վերջից տաս օր մնացած (Մուհառամի 20):

Երբ դուրս եկան, կառուցեցին Կարդա գյուղը, որը կոչվեց Աամանին³ (Թամանին, ութսուն), քանզի նրանում կար ութսուն տուն, յուրաքանչյուրը ամեն մեկի համար, որը նրա (Նոյի) հետ ազատվել էր: Մինչև օրս էլ կոչվում է Սամանինի շուկա:

ՆՎԱՃՈՒՄՆԵՐԸ

Ոորասանը նվաճվեց Օսման խալիֆայի⁴ օրոք հաշտության [պայմանով]: Ինչ վերաբերում է Թաբարիստանին, Վրկանին (Ջուրջան) ու Ռեյին, ապա վերջինս նվաճվել է Օսման իրն Աֆֆանի⁵ խալիֆայության ժամանակ հաշտության [պայմանագրով] Արու Մուսա ալ-Աշաարիի կողմից, իսկ Թարարիստանը նվաճել է Սաադ իբն ալ-Ասր հաշտության [պայմանագրով] Օսմանի օրոք:

Քիրմանն ու Աիջիստանը նվաճել է Արդալլահ իրն Ամիր իրն Քա-րիղը հաշտության [պայմանագրով], Ջարալն ամբողջովին նվաճվել է բռնի ուժով, իսկ Ահուազը, Ֆարսը նույնպես նվաճվել են բռնի ուժով: Սավազն ամբողջովին բռնի ուժով է նվաճել Սաադը Օմարի իալի-

փայտության ժամանակ. Զաղիրան Հաշտության [պայմանագրով] նվաճել է Իյազ իրն Ղանմը: Ինչ վերաբերում է Ասորիքին (Շամ), ապա Աջնադինը նվաճեց Հաշտության [պայմանագրով] Արու. Բաքրի խալիփայության ժամանակ. իսկ Օմար իրն ալ-Նաթթաբը նվաճեց Սուրը. քաղաքը (Երուսաղեմ): Ասորիքի բոլոր քաղաքները նվաճվել են Օմարի օրոք⁶ Հաշտության [պայմանագրով], սակայն ոչ Նրա Հոգային տիրույթները, որոնք բռնի ուժով են նվաճվել Յագիզ իրն Արու Սուֆիանի, Շուրահրի իրն Հասանայի, Աբու Ուրայգայի ու Նալիզ իրն ալ-Վալիլի ձեռքով: Եգիպտոսը նվաճվել է Հաշտության [պայմանագրով] Ասր իրն ալ-Ասի ձեռքով: Մադրիբը, որն Իֆրիկիան է, նվաճվել է բռնի ուժով: Սահմանային ամրությունների գոտին (սուղուր) և Կեսարիան նվաճվել են Օմարի օրոք՝ բռնի ուժով:

ԼՂ 199

Ապա Մամունը գնաց Տարսոն (Թարսուս) երկու Հարյուր տասնհինգ թվականի Մուհառամ ամսին (28 փետրվար – 29 մարտ 830): Նա Հարձակվեց Հռոմեաների վրա ու նվաճեց Կուտա⁷, Նարսիանոն (Նարչանա)⁸ և Սամալու⁹ ամրոցները: Ապա վերադարձավ Դամասկոս, Հևտո գնաց Եգիպտոս ու կրկին վերադարձավ Դամասկոս:

Նա կրկին արշավեց Հռոմեաների դեմ երկու Հարյուր տասնյոթ (7 փետրվար 832 – 26 հունվար 833) թվականին: Այդ տարի նվաճվեց Լուլուան¹⁰ և նա Հրամայեց կառուցել Տիանան (Թուանա)¹¹: Վերջապես Մամունը վերադարձավ ու գնաց Ռակկա:

Ապա նա վերստին դիմեց դեպի Հռոմեաների երկիրը և մեռավ Պոտանգոն (Բադանդուն) գետի¹² մոտ երկու Հարյուր տասնյոթ թվականի Ռաջար ամսի տասնյոթին (7 օգոստոս 833): Նրա մարմինը փոխադրվեց Տարսոն և այնտեղ թաղվեց:

[Մուտասիմի օրոք] Հռոմեաները պաշարեցին Զապետրան (Զիրաթ-րա)¹³: Ապա Իսհակն արշավեց նրանց դեմ, ասպատակեց Ռումի երկիրը երկու Հարյուր քսաներեք թվականի Զումադա Ա ամսին (31 մարտ – 29 ապրիլ 838) և գրավեց Ամորիոնը (Ամմուրիյա)¹⁴ նույն տարվա Ռամադան ամսին (27 հուլիս – 25 օգոստոս 838):